



Ty'r Cwmnïau
— er gwybodaeth —

Fel yr addaswyd gan Ddeddf Cwminau 2006

Penderfyniadau

GBA7

Fersiwn 7

Mai 2009

BERR

Yr Adran Busnes
Mentoer a Diwygio Rheoleiddio

Mae'r canllaw hwn ar gael mewn ffurfiau eraill gan gynnwys Braille, print mawr a thâp clywedol. Am fanylion pellach gweler ein gwefan – www.companieshouse.gov.uk neu e-bostiwrch ein Hadran Ymholiadau ar enquiries@companieshouse.gov.uk neu ffoniwch ein Canolfan Gysylltu ar 0303 1234 500.

Rhaid bod yn ymwybodol o'r canlynol wrth ddarllen y nodiadau canllaw hyn:

Mae rhai (ond nid y cyfan) o ddarpariaethau Deddf Cwmnïau 2006 wedi dod i rym. Gan hynny, mae rhai darpariaethau Deddf Cwmnïau 1985 yn dal yn berthnasol. Rydym wedi ceisio gwneud yn glir drwy'r holl nodiadau hyn, gymaint â phosibl, pa Ddeddf sy'n berthnasol. Os hoffech chi wybod pa ddarpariaethau yn y Deddfau priodol sydd mewn grym, ymwelwch â'n gwefan www.companieshouse.gov.uk/. Mae dolen ar ein gwefan hefyd i wefan BERR (Yr Adran Busnes Menter a Diwygio Rheoleiddio) www.berr.gov.uk/bbf/co-act-2006/index.html, lle gallwch weld rhagor o wybodaeth. Mae rhai darpariaethau yn y Ddeddf newydd yn amodol ar drefniadau trosiannol. Cyhyd â phosibl, eglurwn hyn yn y canllaw hwn a rhown fanylion ar ein gwefan

Mae holl ddarpariaethau Deddf Cwmnïau 2006 sy'n ymwneud ag enwau cwmni a busnes i ddod i rym ar 1 Hydref 2009. Byddwn yn diweddarau unrhyw nodiadau canllaw a effeithir gan y gweithrediadau hynny ar y pryd. Efallai yr hoffech chi gadw golwg ar ein gwefan hefyd lle byddwn yn cyhoeddi rhagor o wybodaeth wrth i'r broses o weithredu barhau, er mwyn ichi gael mynediad at y newyddion diweddaraf.

Tan Hydref 2009, bydd y nodiadau canllaw hyn ond yn gymwys i gwmnïau a ffurfiwyd ym Mhrydain Fawr (Cymru, Lloegr a'r Alban). Wedyn fe drefnir i'r system ar wahân yng Ngogledd Iwerddon i gyfuno i un system gyfan ar gyfer y Deyrnas Unedig i gyd.

Cynnwys

Cyflwyniad

1. Beth yw penderfyniad?
2. Cwmnïau preifat
3. Cwmnïau cyhoeddus
4. Gwybodaeth bellach

Canllaw yn unig yw hwn a dylid ei ddarllen ar y cyd â'r ddeddfwriaeth berthnasol.

Sylwer:

Canllaw trosiannol ar benderfyniadau a chyfarfodydd.

Caiff Rhan 13 (penderfyniadau a chyfarfodydd) o Ddeddf Cwmnïau 2006 ei gweithredu ar 1 Hydref 2007. Gwnaed trefniadau trosiannol ar gyfer y cyfnod rhwng Hydref 2007 a Medi 2009, ac ar ôl hynny bydd y Ddeddf gyfan mewn grym. Dyma fanylion y trefniadau a wnaed:

Adran 379A o Ddeddf Cwmnïau 1985 – Ni fydd penderfyniad cwmni preifat drwy bleidlais o dan adran 80A o Ddeddf 1985 (Etholiad gan gwmnïau preifat mewn cysylltiad â pharhad yr awdurdod i glustnodi cyfrannau) yn cael ei ddiddymu yn Hydref 2007, gan y bydd modd o hyd fabwysiadu penderfyniad o dan adran 80 o Ddeddf 1985 yn rhoi awdurdod i glustnodi cyfrannau at y diben hwn. Dyma fydd mewn grym nes i Ran 17 (cyfalaf cyfrannau cwmnïau) gael ei gweithredu yn Hydref 2009.

Rhwng Hydref 2007 a Medi 2009, bydd modd i gwmni fabwysiadu penderfyniad drwy bleidlais mewn cysylltiad â pharhad yr awdurdod i glustnodi cyfrannau ar ffurf penderfyniad ysgrifenedig neu mewn cyfarfod; ar gyfer penderfyniad o'r fath bydd angen o hyd gydsyniad unfrydol pawb sy'n gymwys i bleidleisio.

Bydd yn ofynnol i gwmnïau preifat gynnal cyfarfod cyffredinol blynyddol os rhoir rhybudd cyn 1 Hydref 2007. Ar ôl y dyddiad hwnnw, os na roddwyd rhybudd erbyn hynny, ni fydd angen mwyach i gwmnïau preifat gynnal cyfarfodydd cyffredinol blynyddol oni bai ei bod wedi'i nodi yn yr erthyglau cwmni fod angen iddynt wneud a'u bod heb ddileu'r ddarpariaeth honno o'u herthyglau.

Hefyd, os bydd erthyglau'r cwmni yn dweud bod rhaid i'r cyfrifon cael eu cylchredeg mewn Cyfarfod Cyffredinol Blynyddol, rhaid i'r cwmni barhau i wneud hyn ar gyfer pob cyfnod ariannol sy'n dod i ben cyn 01 Hydref 2007. Sut bynnag gall cwmni ddewis trosglwyddo i gyfathrebiadau electronig os bydd y cyfranddeiliaid yn cytuno a bod yr erthyglau yn cael eu diwygio. Os oes gan gwmni gytundeb pob cyfranddeiliad yn barod, gallant gylchredeg yr adroddiad blynyddol a'r cyfrifon i'r cyfranddeiliaid drwy eu gwefan.

Cyflwyniad

Canllaw yw hwn ynglŷn â'r gwahanol fathau o benderfyniad cwmni a phryd y cânt eu mabwysiadu. Ei ddiben yw egluro'r gwahaniaeth rhwng penderfyniadau ar gyfer cwmnïau preifat a chyhoeddus.

Mae'n un o gyfres o ganllawiau gan Dŷ'r Cwmnïau sy'n rhoi arweiniad syml i'r Ddeddf Cwmnïau a deddfwriaeth arall gysylltiedig.

Sylwer mai fel cyflwyniad cryno i'r pwnc y mae wedi'i fwriadu, felly dylech ei ddarllen ar y cyd â'r gyfraith berthnasol a welwch chi yn Neddf Cwmnïau 2006 Rhan13.

O dan Ddeddf Cwmnïau 2006, ni fydd angen mwyach i gwmnïau preifat gynnal cyfarfodydd cyffredinol blynyddol. Ond bydd llais gan y cyfranddeiliaid o hyd ym mhroses benderfynu'r cwmni.

Lluniwyd y Ddeddf fel bod modd gwneud llawer o'r penderfyniadau hyn yn ysgrifenedig, er y bydd angen o hyd i'r cwmni gynnal cyfarfodydd i ddiswyddo cyfarwyddwr neu derfynu penodiad archwiliwr ariannol cyn diwedd ei dymor. Bydd gan y cyfranddeiliaid a'r cyfarwyddwyr hwythau y pŵer i alw cyfarfod o hyd.

Mae effaith y darpariaethau newydd yn dibynnu ar beth sydd wedi'i gynnwys ar hyn o bryd yn erthyglau'r cwmni. Byddai angen i gwmni preifat presennol fabwysiadu penderfyniad arbennig i ddileu unrhyw gymalau presennol yn ymwneud â chyfarfodydd cyffredinol blynyddol o'i erthyglau. Rhaid cylchredeg rhybudd ymhlith yr aelodau cyn y gellid ei fabwysiadu neu ei gymeradwyo.

Pennod 1

Penderfyniadau – yr hanfodion

1. Beth yw penderfyniad?

Mae **pendrefyniad** yn gytundeb neu benderfyniad a gaiff ei wneud gan gyfarwyddwyr neu aelodau (neu ddsbarth o aelodau) y cwmni.

Mae **pendrefyniad arfaethedig** yn gynigiad.

Pan gaiff **pendrefyniad** ei fabwysiadu, bydd y cwmni wedi'i rwyngwsgd.

2. Sut y caiff penderfyniadau eu mabwysiadu?

Gan ddibynnu ar y math o benderfyniad sy'n cael ei fabwysiadu, bydd aelodau'n pleidleisio dros neu yn erbyn y penderfyniad. Bydd pŵer pleidleisio'r aelod yn dibynnu fel arfer ar nifer y cyfrannau sydd ganddo: yn y mwyafrif o enghreifftiau, bydd aelod sydd â 10% o'r cyfrannau yn cael 10% o'r pleidleisiau. Bydd y penderfyniad wedi llwyddo wrth gyrraedd y mwyafrif a bennwyd ymlaen llaw. Os na sicrhair y mwyafrif angenrheidiol, yna mae'r penderfyniad yn methu.

3. Pwy sydd â hawl i bleidleisio?

Gall erthyglau cymdeithasiad y cwmni nodi'r amodau ynglŷn â hawliau pleidleisio'r aelodau, ond at ei gilydd bydd aelod yn cael yr un nifer o bleidleisiau p'un ai drwy bôl mewn cyfarfod cyffredinol neu yn ysgrifenedig y gwneir y penderfyniad. Os na all aelod fod yn bresennol yn y cyfarfod, gall benodi dirprwy i bleidleisio drosto. Yn achos cyd-gyfranddeiliad, pleidlais y deiliad cyntaf sydd wedi'i enwi yn y gofrestr a gaiff ei chyfrif, oni bai bod erthyglau'r cwmni'n dweud yn wahanol.

4. Pwy sy'n gorfod derbyn copïau o'r penderfyniad cyn ac ar ôl ei gymeradwyo?

Rhaid cylchredeg rhybudd am y bwriad i gynnig penderfyniad ymhlith aelodau'r cwmni. Os oes archwilwyr gan y cwmni, rhaid anfon atynt hwythau gopïau o bob penderfyniad arfaethedig – neu roi gwybod iddynt rywsut arall am y cynnwys. Rhaid anfon ymlaen copi o'r penderfyniadau sydd angen eu ffeilio gyda'r Cofrestrydd yn Nhŷ'r Cwmnïau o fewn 15 diwrnod i'r penderfyniad gael ei fabwysiadu neu'i lunio.

Pennod 2

Cwmnïau preifat

1. Cwmnïau preifat a mabwysiadu penderfyniadau

Gall cwmni **preifat** fabwysiadu penderfyniad naill ai drwy i fwyafrif angenrheidiol yr aelodau gymeradwyo penderfyniad ysgrifenedig neu drwy bleidlais a gaiff ei chymryd mewn cyfarfod o'r aelodau.

Mae Deddf Cwmnïau 2006 yn darparu na fydd yn ofynnol mwyach i gwmnïau **preifat** "ddewis yn benodol" hepgor cynnal cyfarfodydd cyffredinol blynyddol, gan nad oes angen iddynt eu

cynnal. Gwnaed darpariaethau newydd i gwmnïau preifat wneud penderfyniadau ysgrifenedig sy'n eu galluogi i hepgor cyfarfodydd yn llwyr, ac eithrio at ddau ddiben cyfyngedig (gweler isod).

Yn y ffyrdd canlynol yn unig y gall cwmnïau preifat fabwysiadu penderfyniadau:

- Yn ysgrifenedig, gellir cyclchredeg a chymeradwyo penderfyniad ysgrifenedig yn electronig neu fel copi caled.
- Mewn cyfarfod o'r aelodau.

2. Penderfyniadau ysgrifenedig (cwmnïau preifat)

Caiff cwmnïau preifat fabwysiadu pob penderfyniad yn ysgrifenedig, ac eithrio:

- Penderfyniad i ddiswyddo cyfarwyddwr, a hefyd
- Penderfyniad i ddiswyddo penodiad archwiliwr ariannol

Mae angen mabwysiadu'r penderfyniadau hyn mewn cyfarfod cyffredinol.

Pennod 3

Cwmnïau cyhoeddus

1. Cwmnïau cyhoeddus a mabwysiadu penderfyniadau

Dim ond drwy bleidlais wedi'i chymryd mewn cyfarfod o'r aelodau y caiff cwmni **cyhoeddus** fabwysiadu penderfyniad. Ni chaiff cwmni cyhoeddus fabwysiadu penderfyniad ysgrifenedig.

Dim ond mewn cyfarfod cyffredinol o'r aelodau (neu'r cyfranddeiliaid), a all fod yn Gyfarfod Cyffredinol Blynyddol, y caiff cwmnïau cyhoeddus fabwysiadu penderfyniad.

2. Pa gofnodion o benderfyniadau a chyfarfodydd y mae angen i'r cwmni eu cadw?

Mae'n rhaid i'r cwmni gadw cofnodion o holl drafodion cyfarfodydd cyffredinol neu o benderfyniadau wedi'u gwneud gan unig aelod. Rhaid iddynt hefyd gadw copïau o bob penderfyniad a gaiff ei fabwysiadu gan yr aelodau drwy ddulliau eraill ar wahân i gyfarfodydd cyffredinol. Rhaid cadw'r cofnodion hyn am 10 mlynedd ac mae angen iddynt fod ar gael i'w harchwilio gan yr aelodau yn unol â'u cais.

3. Penderfyniadau mewn cyfarfodydd

Nid oes angen mwyach i gwmnïau preifat gynnal cyfarfodydd cyffredinol blynyddol. Mae'n ofynnol o hyd i gwmni cyhoeddus gynnal cyfarfod cyffredinol blynyddol o fewn 6 mis i ddiwedd ei flwyddyn ariannol (y cyfnod trosiannol rhwng Hydref 2007 a Medi 2008 fydd 7 mis) yn ychwanegol at unrhyw gyfarfodydd eraill a gynhelir yn ystod y cyfnod hwnnw.

Drwy godi llaw y pleidleisir ar benderfyniad mewn cyfarfod cyffredinol (neu mewn cyfarfod o ddsbarth o'r aelodau), oni bai bod cais cyfreithlon am bôl. Y cyfan sydd eisiau i benderfyniad gael ei fabwysiadu yw datganiad gan y Cadeirydd fod y penderfyniad wedi llwyddo drwy godi

llaw: ond nid yw hyn yn gymwys os gelwir am bleidlais. Nid oes angen cyfrif nifer y pleidleisiau o blaid neu yn erbyn o dan y drefn codi llaw.

Rhaid rhoi rhybudd o 14 diwrnod o leiaf i gynnal cyfarfod cyffredinol o'r cwmni. Yn achos cyfarfod cyffredinol blynyddol mewn cwmni cyhoeddus, 21 diwrnod o leiaf, oni bai bod erthyglau'r cwmni'n pennu rhybudd hirach. Gellir galw cyfarfod cyffredinol ar rybudd byrrach drwy fwyafrif o 90% o'r hawliau pleidleisio yn achos cwmni preifat a 95% yn achos cwmni cyhoeddus. Nid yw hyn yn wir am gyfarfodydd cyffredinol blynyddol cwmni cyhoeddus, lle mae eisiau unfrydedd. Rhaid i rybuddion sy'n rhoi gwybod am gyfarfod cyffredinol blynyddol mewn cwmni cyhoeddus ddweud mai cyfarfod felly sydd dan sylw

Gellir rhoi gwybod am gyfarfod:

- Yn electronig;
- Fel copi caled;
- Drwy gyfrwng gwefan; neu
- drwy gyfuniad o unrhyw rai o'r uchod.

Rhaid i'r rhybudd nodi amser, dyddiad a lleoliad y cyfarfod, ynghyd ag unrhyw benderfyniadau sydd i'w cymeradwyo.

Pennod 4

Gwybodaeth bellach

1. Gwybodaeth bellach am benderfyniadau

Mae rhagor o wybodaeth am benderfyniadau a chyfarfodydd i'w chael yn Neddf Cwmnïau 2006 Rhan 13, neu ar y gwefannau canlynol:

www.berr.gov.uk

www.companieshouse.gov.uk

2. Sut dylwn i anfon gwybodaeth at y Cofrestrydd?

Gallwch chi gyflwyno dogfennau i'r Cofrestrydd â llaw (yn bersonol neu drwy negesydd), gan gynnwys y tu allan i oriau swyddfa, dros wyliau banc a thros y penwythnos i Gaerdydd, Llundain a Chaeredin.

Gallwch chi hefyd gyflwyno dogfennau drwy'r post neu drwy'r Gwasanaeth Cyfnewid Dogfennau (DX). Wrth anfon dogfennau, byddwch cystal â'u cyfeirio at:

Ar gyfer cwmnïau wedi eu corffori yng Nghymru a Lloegr:

Y Cofrestrydd Cwmnïau
Tŷ'r Cwmnïau
Ffordd y Goron
Caerdydd
CF14 3UZ

DX33050 Caerdydd 1

Ar gyfer cwmnïau wedi eu corffori yn yr Alban:

The Registrar of Companies
Companies House
4th Floor
Edinburgh Quay 2
139 Fountainbridge
Edinburgh EH3 9FF

DX ED235 Edinburgh 1
neu
LP – 4 Edinburgh 2

Os hoffech chi dderbynneb wrth anfon dogfennau drwy'r post, drwy negesydd neu drwy'r drefn Cyfnewid Dogfennau (DX), bydd Tŷ'r Cwmnïau'n gyrru nodyn cydnabod os amgaewch gopi o'ch llythyr eglurhaol gydag amlen stampiedig yn dangos eich cyfeiriad dychwelyd. Byddwn yn marcio dyddiad ei dderbyn ar eich llythyr copi drwy gyfrwng côd bar ac yn ei dychwelyd ichi yn yr amlen a ddarparwyd gennych. Sylwer: nid yw cydnabod dod i law yn golygu bod dogfen wedi cael ei derbyn i'w chofrestru yn Nhŷ'r Cwmnïau.

Sylwer: Nid yw Tŷ Cwmnïau yn derbyn cyfrifon na dogfennau statudol eraill dros beiriant ffacs.

3. Ga i ffeilio dogfennau mewn ieithoedd eraill?

Fel arfer, yn Saesneg y mae'n rhaid ichi ffeilio dogfennau gyda Thŷ'r Cwmnïau. Mae eithriadau i hyn yn unol â'r manylion isod. Cewch lunio a chyflwyno dogfennau sy'n ymwneud â chwmnïau Cymreig yn Gymraeg.

Caiff cwmnïau gyflwyno'r dogfennau canlynol mewn ieithoedd eraill os bydd cyfieithiad Saesneg ardystiedig yn cael ei anfon gyda nhw:

- Penderfyniadau a chytundebau sy'n effeithio ar gyfansoddiad cwmni;
- Contractau'n ymwneud â chlustnodi cyfrannau am gydnabyddiaeth ar wahân i arian parod;
- Yn achos cwmnïau sydd wedi eu cynnwys yng nghyfrifon grwpiau mwy yn yr AEE neu y tu allan i'r AEE, cyfrifon y grŵp ac adroddiad blynyddol y rhiant-ymgymeriad; a hefyd
- Offerynnau arwystlon (neu gopiâu o offerynnau arwystlon).

Yn ychwanegol, mae cwmnïau hefyd yn cael ffeilio cyfieithiadau ardystiedig gwirfoddol o unrhyw ddogfen sy'n dod o dan ofynion datgelu'r Gyfarwydddeb Gyntaf ar y Gyfraith Gwmnïau. Mae hyn yn cynnwys:

- Dogfennau cyfansoddiadol fel y memorandwm a'r erthyglau cymdeithasiad;

- Penodiadau cyfarwyddwyr, newid manylion neu derfynu penodiadau;
- Cyfrifon, adroddiadau a ffurflenni blynyddol;
- Hysbysiad ynglŷn ag unrhyw newid i swyddfa gofrestredig y cwmni;
- Dogfennau dirwyn i ben;
- Dogfennau cyfalaf cyfrannau (cwmnïau cyhoeddus yn unig);
- Dogfennau ynghylch cyfuno a rhannu cwmnïau (cwmnïau cyhoeddus yn unig); a
- Dogfennau ynghylch cwmnïau tramor.

Rhaid i'r cyfieithiad gwirfoddol gyfeirio at ddogfen a gyflwynwyd i Dŷ'r Cwmnïau ar 1 Ionawr 2007 neu wedi hynny. Gall cyfieithiadau gwirfoddol gael eu ffeilio yn un o ieithoedd swyddogol yr Undeb Ewropeaidd yn unig a rhaid anfon [Ffurflen 1106](#) i gyd-fynd â nhw.

4. Ble galla i gael ffurflenni a llyfrynnau canllaw?

Mae hwn yn un o gyfres o lyfrynnau gan Dŷ'r Cwmnïau sy'n rhoi canllaw syml i'r Deddfau Cwmnïau.

Mae [ffurflenni statudol](#) a [llyfrynnau canllaw](#) ar gael, yn rhad ac am ddim, gan Dŷ'r Cwmnïau. Y ffordd gyflymaf i'w sicrhau yw drwy'r wefan hon neu drwy ffonio 0303 1234 500.

Gellir hefyd gael ffurflenni gan ddogfenwyr cyfreithiol, cyfrifwyr, cyfreithwyr ac asiantiaid ffurfio cwmnïau – cyfeiriadau mewn llyfrau ffôn ar gyfer busnesau.

sut i gysylltu â ni

Canolfan Cysylltu: 0303 1234 500*
Mini-com: 029 2038 1245
enquiries@companieshouse.gov.uk
www.companieshouse.gov.uk

*Er dibenion hyfforddi a sicrhau ansawdd,
fe allai eich galwad gael ei monitro

Caerdydd

Tŷ'r Cwmnïau
Ffordd y Goron, Caerdydd CF14 3UZ
Ffacs: 029 2038 0900

Caeredin

Companies House
4th Floor
Edinburgh Quay 2
139 Fountainbridge
Edinburgh EH3 9FF
Ffacs: 0131 535 5820

Llundain

Companies House
21 Bloomsbury Street, London WC1B 3XD
Ffacs: 029 2038 0900